

20.

Na osnovu člana 13. stav 2. alineja 18. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06 i 51/09) i člana 21. tačka 26. Statuta Grada Gradačac („Službeni glasnik Grada Gradačac“, broj 10/22), Gradsko vijeće Grada Gradačac, na nastavku 28. redovne sjednice održanom 19.10.2023. godine, razmatrajući Izvještaj o zdravstvenom stanju životinja, naročito stočnog fonda, sa prijedlogom mjera, donosi

ZAKLJUČAK

I

Gradsko vijeće Grada Gradačac usvaja Izvještaj o zdravstvenom stanju životinja, naročito stočnog fonda, sa prijedlogom mjera.

II

Zadužuje se Gradonačelnik i nadležne gradske službe za upravu da pokrenu aktivnosti na izgradnji stočnog groblja i da permanentno obavještavaju Gradsko vijeće o poduzetim aktivnostima.

III

Ovaj zaključak stupa na snagu danom objavljivanja u „Službenom glasniku Grada Gradačac“.

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD GRADAČAC
- Gradsko vijeće -**

**Broj: 01-04-277/23
Datum: 19.10.2023.god.
G r a d a č a c**

**PREDSJEDAVALA
GRADSKOG VIJEĆA
Mustafa H. Adulović, s.r.**

21.

Na osnovu člana 13. stav 2. alineja 18. a u vezi sa članom 8. stav 3. alineja 17. Zakona o principima lokalne samouprave u Federaciji BiH ("Službene novine Federacije BiH" broj 49/06 i 51/09) i člana 21. tačka 26. i 27. Statuta Grada Gradačac ("Službeni glasnik Grada Gradačac", broj 10/22) Gradsko vijeće Grada Gradačac, na nastavku 28. redovne sjednice održanom 19.10.2023. godine, donosi

ZAKLJUČAK

I

Gradsko vijeće Grada Gradačac je primilo na znanje Informaciju o stanju bezbjednosti na području grada Gradačac za period januar-juni 2023. godine, Informaciju o stanju bezbjednosti na području grada Gradačac za period juli-avgust 2023. godine, i Informaciju o poduzetim aktivnostima po Zaključku Gradskog vijeća broj: 01-04-235/23, sa vanredne sjednice Gradskog vijeća održane 12.08.2023. godine.

II

Gradsko vijeće Gradačac zahtijeva od Direktora Uprave policije MUP-a Tuzlanskog kantona da dostavi detaljniju informaciju o poduzetim aktivnostima vezano za tragične događaje dana 11.08.2023. godine na području grada Gradačca i o stanju bezbjednosti na području grada poslije tog dana. Gradsko vijeće smatra da u dostavljenoj informaciji nisu navedeni dostatni podaci o poduzetim aktivnostima po navedenom događaju.

III

Gradsko vijeće Gradačac zahtijeva od Uprave policije MUP-a Tuzlanskog kantona da hitno pristupi kadrovskom popunjavanju rukovodećih pozicija u Policijskoj upravi Gradačac te materijalnom i tehničkom opremanju Policijske uprave Gradačac.

IV

Zahtjev neformalne grupe građanki i građana Gradačca povodom realizacije zaključaka Gradskog vijeća broj: 01-04-235/23 od 12.08.2023. godine, koji je dostavljen na ovu sjednicu Gradskog vijeća, biti će dostavljen Kolegiju Gradskog vijeća na kome će biti razmotrena mogućnost održavanja sjednice Gradskog vijeća po navedenom Zahtjevu.

V

Ovaj zaključak stupa na snagu danom objavljivanja u „Službenom glasniku Grada Gradačac“.

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD GRADAČAC
- Gradsko vijeće -**

**Broj: 01-04-278/23
Datum: 19.10.2023.god.
G r a d a č a c**

**PREDSJEDAVAJUĆI
GRADSKOG VIJEĆA
Mustafa H. Ađulović, s.r.**

22.

Na osnovu člana 13. stav 2. alineja 18., a u skladu sa članom 8. stav 3 alineja 15. i 16. Zakona o principima lokalne samouprave u Federaciji Bosne i Hercegovine („Službene novine FBiH“, broj 49/06 i 51/09), člana 21. tačka 25. i 26. Statuta Grada Gradačac („Službeni glasnik Grada Gradačac“, broj 10/22) Gradsko vijeće Grada Gradačac, na nastavku 28. redovne sjednice održanom 19.10.2023. godine, razmatrajući Informaciju – presjek finansijskog stanja u NK „Zvijezda Gradačac“ sa 30.08.2023. godine, donosi

ZAKLJUČAK

I

Gradsko vijeće Gradačac zahtijeva od nadležne Gradske službe da od NK „Zvijezda Gradačac“ zatraži da do 30.11.2023. godine dostavi finansijski izvještaj za 2023. godinu sa presjekom stanja na dan 31.10.2023. godine sačinjan od ovlaštene finansijske institucije ili ovlaštenog knjigovođe.

II

Zadužuje se NK „Zvijezda Gradačac“ da Gradskom vijeću dostavi pisani izvještaj koji će sadržavati pregled imenovanih uprava i presjek nastalih dugovanja sa tačnim datumom nastanka dugovanja u zadnjih dvadeset godina.

III

Gradsko vijeće Gradačac traži da se hitno sazove Skupština NK „Zvijezda Gradačac“ koja treba da imenuje legitimnu upravu Kluba. Po okončanju postupka imenovanja uprave Kluba od strane Skupštine Gradsko vijeće će zauzeti stav po pitanju daljnje finansijske pomoći NK „Zvijezda Gradačac“ kroz budžet za 2024. godinu.

IV

Ovaj zaključak stupa na snagu danom donošenja i biti će objavljen u „Službenom glasniku Grada Gradačac“.

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD GRADAČAC
- Gradsko vijeće -**

**Broj: 01-04-279/23
Datum: 19.10.2023.god.
G r a d a č a c**

**PREDSJEDAVAJUĆI
GRADSKOG VIJEĆA
Mustafa H. Ađulović, s.r.**